

江西詩徵

江西詩徵卷七十八

南城曾煥賓谷編輯

國朝

楊 葵

葵字江勛南昌人振業子嗜學早卒著有英多軒

詩鈔

溪堂秋雨

清秋新雨至鬱夏積氛除深樹雲如定遙山翠欲舒溪寬
魚浪跡花綻蝶移居玉帶紫江霧凝眸興有餘

楊 廬

廬字子載南昌人大業子乾隆十八年拔貢年三

江西詩徵

卷七十八 國朝十四

一

十二卒著有恥夫詩鈔芳悅錄

洪州新樂府

懸榻處 陳蕃

一榻下周璆一榻下徐孺二士爲誰來三聘招不顧豫章
何日無太守千里之馬世常有

洛陽令 何湯

車蓋雲團圍不作隨車雨道逢何仲弓令汝下車去糾糾
武夫不可當當時幸不烹宏羊

黃半臂 李淑

寧可背城戰一洗偏安羞主願爲劉禪臣不願爲譙周北
歸欲作歸命侯閉目頻思江南不地下孤臣黃半臂一手

障面不忍視

舸艤洲

孫權

國賊是孫權荊州乃王土剪漢爪牙臣何以見高祖舸艤洲前弄刀斧白衣江上搖大櫓臣爲阿瞞縛猛虎

西山土

雷煥

西山土華陰土龍泉太阿我知汝天生神物非偶然如此英雄不足數芙蓉入手光熊熊不及塵埋黑獄中寧作痴龍臥水底白楊愁殺延陵子

蘇武節

何無忌

取我蘇武節殺此無賴賊江風不及穹廬雪自西而東來相偪節在手不折賊在眼不滅此亦一無忌入畫雙背裂

君不見遵養時賊司徒公蘇武之節弃城中

仲真膝

梅願

王公怒仲真繫陶公怒仲真脫萬機竟自諸侯出仲真之
膝屈今日仲真膝屈亦得獨不見當年越石父繫齊國

北斗君

袁君正

天上北斗君乃竊內史襦大巫再拜跪竊襦罪當誅登屋
招魂烏啼風前有西門豹後有袁世忠

黎使君

黎立武

殺一牛活萬蟻萬蟻固可憐一牛何罪死一牛不死蟻終
生誰活我者黎使君

揚州市

周廸妻

婦持金來催夫走市上貨人作羹酒園中寧有張睢陽雀
鼠盡兮夫別婦只恐卿入烏鳶腹豈料卿充几上肉爲老
母兮與卿訣懷裏白金懷未熟分明几上好頭顱猶是別
時舊顏色欲與卿同蛆兮老母在閭再拜乞骨兮懷金與
俱金出懷中血模糊中有婦魂歸拜姑

火反風

徐試妻胡氏子荷妻李氏

姑守死夫婦守生姑火欲燒人知賢愚爲語麋竺車中婦
伯姬不下堂收火反風急還走

君子巷

李君子

不及殺賊殺賊孥賊婦縛虎虎怒呼磨刀夜半虎且屠火
神大笑鬚眉朱劍斷虎縛蹴虎遁岳家軍來人爭指馬前

乃是李君子

斷琴歌

陳淑貞

何事殺聲出焦尾黃巾飲馬東湖水廣陵彈罷血風腥一
榮芙蓉箭頭死君不見中郎息女嫁左賢曾向蕭齋辨折
絃

麻潭哀

胡紹遠

救日之弓救月之矢可以衛我閭里麻潭雲起風吹沙失
我壯士破我家上不爲星辰下不爲河嶽化爲鬼雄亦卓
犖胡紹遠今何處白日荒荒遶水怒

一句鹿

陳友諒

浦上有真龍足下胡爲者騎鹿不入山猛虎從天下焚却

鍍金床放鹿如放馬胡不前年去黃屋天下英雄已得鹿
墓燈

新鬼故鬼作上元鬼語欲出燈不燃避犬白狐啼上墓樹
裏歸人時一喧野風吹燈入墓田田家老翁寒未眠持燈
起掃牛脊雪隔垣望見墓燈滅

炒蟲詞

驚蟄炒蟲百蟲死豆代蟲僵小兒喜雷鳴一聲電光紫翼
者羣飛足者起厨中炒蟲願蟲凍天不凍蟲夏寒重君不
聞小兒分豆哭嗚嗚與穀脫我身上襦

門鵲鷄詞

街中子弟風霜肌破屋無瓦壁無泥桶中婦凍兒飢啼冒

江表書卷之七十八
晨出門不掩扉鵲巷仄天新雨手把鵲鴒相毛嘴一上
門場歸色喜三日不炊釜無米禽獸何親汝妻子

生日述感

出門多悲風入門多寒雨海水搖蒼天飄泊萬餘里登樓
望故鄉蕭蕭征鴻起豈無先人廬翻然遂行旅

商旅行路難猿啼山杳冥開目覩風濤我生當五齡不識
鄉井路魂夢何由親黃鵠起雲表哀哉遷謫人

遷謫亦不遠官田猶可耕自古荆蠻地採藥少人行禮樂
千百年風俗還因循徐孺去已遠卜居竟誰鄰西山暮雲
合悲歌行負薪

持刀伐喬木令我兩手傷我有骨肉親三五歸北邙烏鵲

田中飛同聲齊悲愴牛羊日夕來收豎坐兩旁四野秋蕭條游魂還故鄉

故鄉日已遠親舊兩決絕行人塞道路棄我如秦越在山泉水流出山泉水竭躬耕苦不早歲暮心轉急登高望浮雲常恐風雨集

相見灣詞

春盡江南無鴈飛行人江上換春衣來船去舫一相見相見雖多相識稀

送劉記州歸禾州

四月黃鸝坐樹啼蒲帆一幅柳千絲水村殘雨虹收早山館濃陰客到遲千里白雲梅福嶺五更寒月尉陀祠酒闌

夢覺思親處惟有孤檠仔細知

時錫佩先生館廣東

冬日送叔父之江南

萬里飄零地家貧更遠遊江聲遲落日殘臘入孤舟村鼓迎年急征鴻渡水愁同船問歸客何日到揚州

送陳怵我遊賈三楚

門前奪取竹馬騎我擊腰鼓君執旗君今二十我十九登堂揖讓工言辭西風吹雲庭草綠博客滿園夜秉燭叩門呼我叱我歸持我父書責我讀忽聞君作三楚商東書不讀真酒狂征鴻一一起秋水布帆葉葉歸襄陽吁嗟乎自古英雄豈不富貴與貧賤海水滔滔君不見

三峽猿聲歌

蜀道難登山猶自可乘舟愁殺我猿啾啾雨冥冥寧作吳
市乞不願臨邛比王孫寧作重繭足崎嶇入劔門不願江
陵千里一日下崖高天小聞猿聲猿聲哀猿聲苦嗟汝萬
里人遠作成都賈成都賈積金錢青衣江水下如箭一壺
千金絕可憐朝炊不敢食暮睡不敢安但見猿聲啾啾下
絕壁千臂百臂迴相牽朝過人鮮甕暮入鬼門關鮮人不
問愚與賢鬼門性命如浮煙行人到此念家室少者悲其
孀老翁悔出門崩濤倒山相逼迫一葉不墮如生魂猿聲
苦猿聲哀人情出險利心在萬里瞿塘去復來噫吁唏商
人重利安足嗤荆湘年少好身手竹頭裝船來何爲

晉桓
溫伐

蜀以陶侃所儲
竹頭作釘裝船

棧道猿聲歌

猿朝鳴猿夜鳴勸君乘舟毋陸行頃刻葬魚腹肢體猶得
全懸崖一墮血稠疊野狐生啖目眴眴劒門插天青巘岈
行人但左擔轉趾不易肩穹岫置傀儡來去導行人去挾
木人去來挾木人還木人不見人不前不後對死踟躕問
猿鳴苦猿鳴酸江南苦秋熱邊氣早凄寒秦時燒棧至今
在八月積雪橫雲端早捫狸跡爭追攀裂膚墮指心猶歡
今年墮崖不知處明年下視枯骨荒草纏君不見陰平天
險不可當魏人下令如驅羊一落千丈血裹瘡回看棧道
我心傷艾艾西來功可王胡不錦衣歸故鄉

平瀘戰箭歌

蓬岡歸來血洗箭箠中
白羽雪片片餓鴉叫開靈關雲驚
華翻飛火井縣賭酒唯抽金僕姑躍房不用叩竹箭憶昔
國家有事西南夷伐竹作箭羽檄馳青衣水黑冰洗鏃叩
徃山紫雲生梯邊人用箭蠻用弩控弦十萬瀘雲低邊人
射蠻如射虎蠻弩着人如着泥須臾矢盡短兵接貫顱花
脚隨風歛壯士生還矢貫手瀘定橋邊人賣酒七十老翁
刀箭瘢南來戰骨今已朽彎弓射賊我不能古人三箭定
功勲幾箭西壚飲蠻血幾箭東厨炊作薪懸之聊用張吾
門棘矢勤王示子孫

題家藏仇十洲畫馬

官馬滿櫪一匹無手持尺絹走且呼老奴旁捋白髭鬚此

馬寧與凡馬殊可記當年全家遷播下成都郎君初騎果
下馬青絲絡頭老奴扶就中主人汗血駒垂鞭緩轡從者
趨指似此馬百不如何不出易斗米供朝餽我憶仇英下
筆時全身學馬無不爲身不着地頭尾蹄馬仰視天鬃橫
披叱之不起神猶夷四圍淺草官無奚嗟我八千里外身
孤羈道逢驚馬不能騎無人知是邊城兒

泰西畫人物田舍一幅自蜀攜來十餘年矣重加裝
潢以詩誌之

橫得二尺縱一尺樹裏人家好風日喬木拔地雲蒼茫籬
落兩圍中牛羊草不辨色如籬長牛羊隱見風低昂屋北
似是打稻場桑梯不取倚壞倉誰其牧者三河羌前顧後

侶歸不忙此中雖樂非吾鄉臥龍山下春射獵父手射鹿
飲鹿血父膝坐我指我嘗父今黃泉母白髮南遷得授灌
鄉田力田孝弟身手閒丈夫躬耕豈足恥我有

天子憐飢寒

內遷南昌蒙賜田一頃宅一區

書王阮亭隴蜀餘聞後

飛仙失守賊檄度白麻大字西朝署

獻忠自稱西朝檄文皆用麻紙手持

金印賂土官眼中唯識秦良玉

叶

此時我祖按刀泣賊騎

一磔掃兵出高家招討如蜩蟥立遣強宗屈雙膝

高招討以族子

約降族人亦有楊之喬草中竊發爲賊梟

族人楊之喬之銘並受賊賂以兵拒

飛仙

我祖義旗去不返一夜尸積南橋高三越儒生輕執

鉞之喬特書之明逸教忠垂戒豈如此橋下忠魂吞血立

毛大可蠻司合志載楊之喬之銘
附賊事而獨遺先招討討賊始末
漁洋山人來城都據據

見聞私著書天全招討倡義死千秋野史存根株
書中載天全招

討使楊之明倡
義討賊戰死
回首總岡蜀日赤四十八人飛隼擊
從征者四

十八人部將陳國
軍中尚有洪夫人寶馬從軍寶刀濕
夫

富爲之冠同戰死
成都朱生鄭閬州儒巾不着着兜鍪
成都朱鳳

洪氏從公
沒於軍
成都朱生鄭閬州儒巾不着着兜鍪
伊閬中鄭

延義兵
天全鄉勇雅州土天昏月黑金戈流雅州獨重陳

國富手執大刀列前部獻忠夜拜陳將軍一矢不入蜀後

戶獻忠通雅州夜見陳國富手大刀叱之
幾時風雨歸靈

關倒騎文豹鳴刀環往來射獵和夷道不隨餒鬼哭春山

登舟阻雪東危踐堂
時將赴韶州

昨日纔爲客鷄聲已隔城市遙雙柝急雪靜一燈明慈母

夜深夢孤舟江上情嶺南何處是疊疊曉雲生

峽江縣

夜泊峽江縣風寒正掩關一燈臨古渡幾堞入蒼山江口
月不上孤村人自還蕭條眠未得歸鴈有無間

上十八灘歌

繹夫負箠迴頭立前船不進後船及十船百篙爭一石船
工卸帆兩手急石欲刺船篙刺石舫東之日忽舫西灘師
無聲客屏息唯看兩岸山低昂坐羨行人去如射一石未
轉一石來船進船退篙氣力掣篙偏到石中行惡風任向
船頭擊舟人以篙爲性命灘師以灘爲衣食我舟釜餽忽
傾欹我起與僕爭抱持灘師搖手目止之灘灘置石如置

基船船折篙如折枝厭見篙師持篙臥復起令我一灘一
上愁歸時前灘楫頭誰泛宅半面吳娘倚簾立小兒牽裾
大兒跳魚翠掠船爭欲拾人生安得長衫捉咫尺風濤懼
不得儲潭廟近鼓鼙鼙次第張帆爭使風灘師提鷄上山
去長年跪拜醮顏紅回頭却語炎州估船去船來灘幾許
黃金寫得祖龍鞭爲我齊驅海東去

題張曲江祠壁

春雲春草沒長空萬里炎荒自古通爲憶西巡三峽日曾
勞天使百蠻中馬嘶石磴迴殘雪鶴唳晴嵐下晚風帳墜
空祠人不見梅開南去月朦朧

野店題壁

野廟打鼓山黃昏行人夜叩粵人門立語須臾出燈火流
足檐前星在盆宿雨初過天色淨蛟龍欲出溪水橫月微
林杪泛輕煙波搖石壁開明鏡水驛春愁忽蕭瑟誰家送
神夜吹笛冷冷松濤隔嶺鳴團團露花當戶滴豫章城下
水悠悠百粵雲深孤客愁飢鼠如拳墮地走冷風一線吹
吳鉤海邊日出嶺邊樹殘燈粗飯梅關路奇峯面面開笑
蓉行人不向羅浮去

三楓亭晚眺

微雨過疎林山風卷落葉熠熠孤燈明野廟流螢入荒村
響夕春幽磻留殘雪竹外寒驢嘶一鉤故鄉月

抵韶州

時舅氏侯公玉
書任韶州遊擊

五齡離舅氏相見復茲晨老淚驚初面鄉音認遠人問年
憐病叔健飯說慈親細聽飄零事翻教涕滿巾
舊業同看劍新愁爲咏詩十年遷客遠千里寄書遲僕接
燈前語餐傳夜半炊敝裘風雪滿憶我出門時

銅鼓歌

浮雲黯黯蔽白日漢家陵闕生黃棘丞相祠前樹影高瀟
江一望蠻煙黑江邊戰骨半爲土蠻客年年祭銅鼓蠻客
祭鼓鼓有神往往精靈致風雨鼓聲瑟瑟間瘴雲危巖下
谷蛟鼉鳴苔花牛血半紅紫古砦無人山鬼驚龍旗如煙
繞山路白刃開邊燒隴樹千年待得漢將來依舊移向中
原去中原日月懸高天哀爾神物終棄捐九京不作禰衡

死漁陽絕調當誰傳當時漢家九鼎折蜀山萬里愁雲白
天下奇才半死生秋風指盡英雄髮大星西落子桓笑銅
鼓無聲換陵廟白帝城中啼夜猿至今水繞瞿唐道瞿唐
之水千尺波往者不盡來者多我今爲作銅鼓歌銅鼓銅
鼓奈爾何

賀舅氏遷官甘州

萬里春煙望裏開中宵日月近三台孤城吹角風雲動絕
嶺鳴弓射獵迴聚首乍忘遷謫感異鄉重舉別離杯邊樓
極目渾如許天遣王家飛將來

先帝當年賜蟒衣于今劍佩有光輝孤帆春水同爲客

時

辭歸舅

亦西去匹馬秋山說解圍

談及征瀛事

關塞自來多虎將昇平

何以靜兵機邊頭不恨音書斷關外年年旅鴈飛

粵江上已

桃花水上海南天咫尺歸心萬里船繞盡亂山逢上巳乍
爲遠客是今年踏青路近寒江外掃墓人歸細雨邊爲喚
鷓鴣聲且住五更仍是未曾眠

舟中月夜與妻兒危价藩小飲

孤燈江上靜鷗鷺滿平沙昨夜過山雨他鄉見月華已忘
身是客同有夢還家春水湯湯急關河路轉賒

歸過梅嶺

紅梅驛近乳鴉鳴回首蠻天草色新千里寒江一飛鳥半
山斜日兩歸人長廊飯罷鈴車起樵女歌殘水市春家在

他鄉還亦客恐教白髮倚門頻

雨中過鬱孤臺

雁聲蕭颯過江來江霧沉沉雨不開嶺外梅花飛作雪春風空鎖鬱孤臺

下十八灘歌

春水油油灘欲平歸客眼喜灘師驚持篙點石聲鏗鏗雙槳拱揖如送迎暗灘不敢連舫下好山未許攀崖登舟中一飯猶未畢起視已過三日程渡口灘夫爭出沒船頭魚鰾來縱橫此輩伎倆雜魚鱉全家托業非晉晉貨船入眼利朝覆老客輕裝戒夜行手挈大魚呼客買掠船一過斜風腥皇天胡爲設此險徒令唐子愁伶仃峽中人家午鷄

唱長年炊粟舟爲停金翅三五已先泊竊視怪我蜀錦裘
津吏登舟相問姓恐有令客攜巴琴就中白髮襄陽估物
色識我非吳音此中暗灘那可測不數嶮岬八陣石鼓浪
從無片席飛芥舟宛似流觴出吁嗟乎小翼乍進猶舛船
君不見當年楊僕樓船高百尺

抵家

入門拜阿母阿母撫兒泣兒歸亦何遲兒去亦何急墮地
未嘗離朝出暮繞膝前日送兒行聲吞淚橫出况聞十八
灘風濤中不測忠信雖可憑百慮恐一失朝思不能餐夜
思常起立莫爲遠遊子遠遊母心悲遊子有懼顧母悲無
已時莫爲孤零子出入恒慘悽出門令母思入門令母飢

我生鮮姻婭亦復無弟兄有叔病在牀有姪如我長從姪
已十歲涕泣出門去蕙草亦已芳豈無尺素書令我心忼忼
貧富固有期禍福亦有常哀我流離人天道非所量相見
各歡笑坐定還悲傷棄置勿復陳月照征人裳

得戈博三出峽消息

鯢啼深艷雨冥冥絕域經年滯客星荆楚歲時愁裏得巴
渝蠻曲夢中聽眼看春水來三峽知汝全家上越舸一路
湖山歸漸近碧湘無限九疑青

李杞園有雲南之行同汪輦雲吳勣相危踐堂蔣荅
生饒成西饒之洗馬池酒肆沾醉夜歸枕上作此歌
送之

萬里之行自茲始酒波耿耿射眸子簷風吹月暮雲紫遠
行何人謫仙李蔣生舉杯汪生歌吳生饒生朱顏酖危生
識君座最早拇戰勸君雙叵羅我聞滇南富瘴癘亂山如
戟青峨峨磴道斗絕不可上鐵索巧作猿猴過又聞灘石
不容筏船方五尺翻白波坐臥不寧身常頗君今遠行當
奈何嗟我嗜酒無酒德半酣罵坐月照席街中子弟相怒
與拍肩大笑驚市人別後常思君愴神無鱉膾鯉故鄉味
他時舉杯應不醉三年隻騎天南來于思于思笑相對羨
君能爲絕域使出門慷慨別妻子生年二十友如雲萬里
之行自茲始

劉將軍廢宅畝

今豫章
書院

播州之役先臣死子孫今住將軍里萬里來拜將軍門可

識征播前鋒孫

先人楊愈從將軍征楊應龍戰死事見明史

我聞將軍退居日

頃刻曾供百人食家人操作無人聲軍法治家家如軍將軍袖箭飛隼疾墨點點扉箭穿入蟒袍玉帶來從容刀擧千鈞左手空一匹短垣圍白棘無人識是將軍宅化爲廣厦千萬間角巾文士調歌絃明有將軍宋忠武

忠岳忠武世上

老兵安足數

二聖院雙柏歌

院亦劉將軍故宅

將軍舊宅廢爲寺入門下馬客憔悴但見庭前柏樹雙龍盤拔地擎天暮雲碎一株高于五尺童一株天矯凌天風恐是將軍手親植時聞喑鳴叱咤聲摩空敗瓦頽垣那堪

憶國殤鬼雄夜來集異代英雄去不還故園草木無人識
成敗軍家事偶然孔明祠柏亦參天至今巴客題詩處尙
說君臣際會年

荅萬伊田

萬里風吹鴻雁落他鄉潦倒菊花杯尺書報我楓初冷令
節登高雨不開蜃穴寒潮穿井出龍沙秋草過城來布帆
東下知何日遲汝江頭看早梅

飲黎質存新宅

四海無家託釣蓬移居今喜住湖東名山遊遍奚囊在狂
客追尋酒盞空煮藥小鬟雙袖綠鈔詩雪夜一燈紅出門
十步尋常事老態顏唐笑放翁

石翠山房圖爲中州彭正之賦

君有故園久未歸
櫻枯筍瘦燕麥肥
我有故園歸不得
鄉心化作愁雲飛
笑我窮邊游俠子
白望青曹馬前起
便當弓箭老生平
低頭來飲西江水
忽看素練雲隆隆
飛來萬點芙蓉峰
君思嵩少出眼底
我憶岷峨空夢中
眼前咫尺梁園路
夫子當年倦遊去
海雁橋邊柳絮飛
大蒙城外河聲怒
此中風土近三巴
一望隋隄浪卷沙
何物謫仙曾送客
誰家戍女尙吹笳
萬里風煙正回首
都養傳餐雁檳走
焉知蘿苴最思鄉
自是平原能命酒
酒酣何處尋平臺
清防乍敬天桃開
與君共上滕王閣
西望雪山春水來

白猿嶺寺樓題壁

不辭山路滑一杖入黃昏雲影忽離地松風時到門澗寒
孤寺老花落鳥聲喧借問袈裟石何年屐齒痕
拱揖羣峰入登臨暝色收空王有遺館無復石泉流谷暗
常疑雨猿悲不待秋那堪重極目西北倚飛樓

送劉記州之粵東省親

此去登梅嶺無花但旅愁下山重上馬西望見南州奇貨
炎方賤微官絕域留趨庭驗風日吹敝黑貂裘

觀音閣

武寧縣城西

野興尋孤寺顏垣但暝鴉人稀溪草合石峻古籐斜山縣
春正冷江帆雨漸遮那堪樓百尺三面種新茶

琵琶亭

白傅風流歎何年
結構新祗緣遷謫地
時有別離人吳楚
江雲合鶯花客思
頻岷峨看不見登
眺獨傷神

哭趙山南

三月東湖道立語
何匆匆孰知是死
別不與君從容昨
者消息來人願百
其躬艱難造物心
豈與忌者同千歲
產一士曾不保其
終掩涕視浮雲日
暮生悲風

不惜識君遲但恨
別君早結交少年
場况君肝膽好我
聞椎牛祭不如杯
酒歡憶昔行樂處
方知聚首難生乃
日月光死豈草木
朽君如再生世復
我爲朋友

書鍾叔樸悼亡詩後

無復閒情賦鏡臺
畫廊蕭瑟掩莓苔
閉門索句花爭哭
擁

被驚秋笛更哀山館夜寒雙雁下孤燈雨暗一魂來美人
香草荒唐事怕讀離騷向酒杯

送王旦方歸吉安

放舟字江上坐愛青原山知有幽人宅孤城寒翠間與君
不相識空趁鶯花還何日桃花澗重來叩竹關

對雪有感寄萬芝堂兄弟

泛宅三吳鱉稻秋鴈鴻禿盡一登樓山頭凍雀雖無恙河
上枯魚已欲愁閉戶著書忘遠志家人相對憶巴州山川
說有凌雲寺不願人間萬戶侯

眼前杯酒卽功名四海冰霜一笑輕春色遠來如舊約
國恩閒我是書生地當楚尾鴻爭集風入寒江氣不平遠

道流亡今露處天心應作一冬晴

無端滕六隨風出愁共梅花試早春深巷酒旗翻短景大江飛檣送歸人沙邊微月如將曉几上青山對客貧猶有飢驅牛馬走不妨祀竈請比鄰

如君文酒足盤桓兄弟才名學建安枯樹乍看成小賦蹇驢行不到桑乾眼前芳草入春色門外蒼山生暮寒身在太平無限好靈關西望紫雲盤

謝臯羽詩靈關高入天其上盤紫雲

寄林儒珍

一第登舟感

國恩白雲無恙故園存雙親知汝能貧賤四海愁予少弟昆路入鈴山成小別春隨章水到柴門江南卑濕加餐好

從此鶯花戀酒尊

十笏園梅花感賦

去冬叔父賣書買梅桃數種今梅正花而叔父下世已數月矣慘然

相對得詩二章

纔拈書籍辭青眼便遣繁花避白頭草木有情春色變山川無語老顛愁閒編舊事成詩史生拍蠻刀哭故邱酒債尋常官閣在夜臺應得美遨遊

霜風那遣淚痕乾多事南枝出茂闌此處看花偏是恨去年獵酒不知寒飄零骨月隨春夢潦草功名付達觀最是故園嘉樹老吟魂西去定愁看

東湖竹枝詞

有序

僕本蜀人乍諧僎語偶爲遷客頗愛吳歌一頃平

湖濃淡不宜西子數間破屋寂寥差比楊雄登樓
從此銷魂墜篋月冷佳日那堪回首葭瑄塵飛老
乃竹枝原屬土風尊前腸斷異鄉豈無同調天末
愁深雲停出峽巴船水調歌頭三疊亂風送負鹽
溪女青衣江上數聲低諳鹿苑以嬉春連天芳草
登龍沙而送別半夜啼鵑種菜圃荒恨同鄉之人
去入山路滑惜選佛之場空雖才愧漢廷身亦青
城樵牧況地無徐孺門分白社煙雲不過綠蟻初
酣偶憑猿笛敢謂紅牙低按盡付旗亭

路轉疎林返照紅野花寂寂草茸茸梁王宮殿無人識一
片寒雲起暮鐘

苑啟長春燕燕飛家家簾幙捲斜暉畫船簫鼓不知處二

月踏青人未歸

南唐李後主築長春苑湖上

龍馬尋春說往年梳粧臺畔養花天婁妃爲愛秧歌好留

得城東數畝田

永和門內有田數畝相傳婁妃愛秧歌寧庶人爲闢田於此

瑞子亭前算子橋分龍時節雨瀟瀟方塘舊是將軍宅時

有居人來射鵬

一道裙腰草色斜望雲堤畔月籠沙儂家織就鷄鳴布夜

半湖頭聞軋鴉

杏花村前雨乍深讀書臺畔老龍吟阿儂漫唱洪州曲恐

有歌聲出墓林

憑憑秋風響佩環中秋月色出門看輕羅小扇人如蝶下

步紅橋一夜寒

茅店霜清月滿衣提筐少婦採菱歸低頭不覺寒將近露
起一雙魚翠飛

羊城懷古

行人下馬赤岡南廢宅王郎古木參蓋世文名空小技誤
人家國是清談故園桑果身將隱九日茱萸酒易酣不信
新城吟望苦墨池倒影五峰藍

割據公然笑竊鉤敢將屠釣覓封侯羅成戰血寒仍碧汝
水軍聲暝自愁倉卒揭竿緣父老銷沉折戟是箕裘可堪
全諷要盟地鹽步寒雲認上州

萬里關山去若飛風沙涕淚覓金微裹屍縱免招魂葬持

江西詩徵

卷七十八 國朝十四

九

節何曾皓首歸翁仲苔深春雨綠墓田草合祭人稀傷心
猶說高宗詔諭楚侯公往事非

昔日曉曉遠佞人一帆歸老載湖雲誰教聖主思王猛不
遣深恩報漢文老弱流亡悲下吏京華兄弟惜離羣相公
執幻殊多誤責備忠奸汗簡分

連樊水繞一峯迴穰李天桃也自開往迹低徊名將種他
鄉留滯出羣材金柅園入瀛洲草玉茗叢荒楚望臺我亦
青城舊樵牧不緣叩角洞天來

徐 曇

曇字雲璣號迎城廣豐人乾隆十九年進士官
門知縣

守風湖口

朝旭在烏篷，熹光纔七尺。一霎剪江行，郵籤不滿十回背。
令公祠輝煌炫金碧，白塔遠有村綠葉。近多荻秋煙，互蒼
蒼涼聲交淅淅。扁郎各收帆，客子坐橫笛。覓火就鄰船，清
談畧堪繼。

發縣城過洋口夜泊盤石渡

遂覺行旌速，輕風生綠萍。波虛方受白，柳亞不禁青。人語
分魚市，煙飛落雁汀。金城空有感，漂泊更揚舲。
余曾讀書洋口

林鵬畫鹿歌爲呂鷗亭賦

木葉落盡鹿猶眠，眼前蹄方舒。後蹄拳芝莖，葛藤久不採。唯
見樹底苔花鮮，滿身髮毛細如線。初點梅花未成片，槎枒

古枝低倒地爛柯蛻角幾不辨生氣勃勃誰所作林鵬圖
章印紙角鷗亭詩人購此久使我觀之坐發愕虛堂無人
春晝靜恍惚移觀到林壑鷗亭好畫兼好畋往往射獵巾
峯巔重鉤韓盧手自牽搯臂自歎美且髦使其一發動肩
脊輦負而歸詎計值不爾抽毫畫亦得何須假手林鵬筆
貸力於人費收拾荅云君坐且弗譁聽我談此真堪嗟平
生藝事頗邁等連年失路胡爲耶君不見曹霸馬李廣鏃
射虎沒入石圖龍遺其肉如此勲名亦不俗坎壈終身徒
取辱吁嗟唏男兒多藝真取辱不如去學黃廳曲

龔元玠

元玠字琢山號畏齋南昌人乾隆十九年進士嘗

薦博學鴻詞復舉經學後官銅仁知縣著有十三經客難

棲盤海棠同萬芝堂作

鷓鴣未可鳴殘雪猶在枝梅花不相待香冷春遲遲賴君
錦江客慰此寂寞時

鄧來祚

來祚字永茲南豐人乾隆十九年進士

入華子岡同郡伯徐讓甫夫子作次謝靈運韻

新秋天宇淨策杖入姑山林壑鬱道氣虛空鳴石泉頗識
靜者妙轉懷太守賢擷芳兼采秀越嶺復度阡紅蘭浸碧
沼青杉生紫煙真人長已矣此道空跡筌流光相代謝忽

江西言卷 卷之十一
忽如彈丸不見百年內詎云千歲前仙壇雲繚繞丹竈水
潺湲欲問蔡經宅臨風徒悵然

拜李泰伯墓

鳳凰山下路策杖弔孤墳地壓雙姑秀天開兩宋文水田
餘落日山寺帶歸雲一瓣平生意區區證舊聞

彭雲鴻

雲鴻字夷鵠號儀庵寧都州人以優貢補教習選
義寧州訓導未任而卒有情話編咄咄吟遠遊草
缺壺吟諸集

過家兄牛城山巖遂陟冠石

變汝無人境舉裳涉淺波雲霞儲廣谷日月側槃阿洞草

叅差綠林鶯窈窕歌春山濃欲滴煙樹鬱嵯峨
依險築高垣一冠古製存山川藏栗里風俗辨桃源多難
思經世長歌竟閉門寒崖茶樹在舊業憶王孫
門開修竹裏密葉背斜曛犬吠花陰合雞鳴樹影分屋依
欲墮石山繚未崩雲餉客園蔬美清樽間綠芹

西施怨

妾心比蓮子妾面奪桃花不分承恩後人人學浣紗

入城

山行多曲折紆步下重重嶺樹留殘照村煙發暮春畦平
微有徑天遠欲無峰十里希人跡橋西過寺鐘

聞蟬

五更清露冷
皤皤入秋閑
流水村橋外
垂楊驛路間
微風沈遠聽
落日急前山
自樂清林好
無心媚翠鬟

曾信如狷而靜不妄與世人語獨傾倒余請以兄事
於其歸也送之詩

攬土復搏沙造物發奇趣雕鏤千巖壑低昂互盤踞澤蘭
埋草根深沈伏冷露幽期王者資畏受樵斧鋸清香歛空
谷風吹不知處山中有散材匠石唾不顧因之感中懷徘徊
獨立當路

予如樂山人自有靜中趣臧否不挂口一榻當箕踞我如
病原憲長歌兩肘露又如晉滑稽諧語木屑鋸君獨許顛
狂謬謂有佳處驅馬來何時去去屢相顧皎皎雲中日悠

悠山下路

對雨奉懷曾半農夫子在贛州

溪雲如絮白成堆
傍夜輕陰送遠雷
九月籬花風雨日
一枝筇竹鬱孤臺
江聲走石扁舟窄
雁影凌寒遠陣開
惆悵衰翁誰伴得
自彈長鋏賦歸來

漫題

萬萬春雲傍嶺歸
東風吹絮點人衣
名花晚影驚紅褪
小鳥晴吟亂翠微
歌短尙思今日樂
興狂休憶去年非
三門自屋蒼崖下
無數青松綠竹圍

堂堂春去又重逢
香老梅花倍覺濃
淚灑千秋同悵望
心知百歲未從容
溪光點破空山雨
石骨敲開遠寺鐘
剩有

仙人遺宅在金牀玉枕半苔封

有觸

日色空濛漲路塵穿窗野馬望難真便愁玉宇飛涼雪欲
借金戈駐好春香草尙然思弱楚桃花無復問殘秦絲絲
誰種鶯黃柳遮遍長隄拂去人

夜坐

不知身至此起坐擁孤衾天地雞聲老山川馬跡深聽殘
終夜雨愁盡半生心啼鵲何爲者勞勞楓樹林

舟過螺子山遙弔文信國墓

螺山山色翠濛濛丞相孤墳峙此中柴市悲歌爭一死雁
門風雨哭三忠金戈挽日功難就玉帶徵兵事已空愁絕

西臺朱鳥曲魂招不返水流東

皖江謁余忠宣公祠墓

忠宣遺像俯江濤慘淡靈旗古殿深
戰苦千戈三戶盡天空波浪四時陰
何人尙曳與王履古墓徒傷烈士心
最是一門爭就義臨風感激涕霑襟

趙北口

綵虹流映碧天晴淀裏扁舟狎浪輕
一路青青垂柳色涼蟬盡日送人行

黃龍痛飲興空饒極北關山失宋朝
往日烽煙今已靜夕陽漁艇滿長橋

古詩七章寄曾信如

子昔我交維峴之陰子昔我岑子絃我音今我子思於何
子尋我吟子吟我心子心

譬水濟水誰甘其食唯子與我寧損毋益十反勿辭小大
我斃子弟我兄寘子肝鬲

照形于鏡厥背不獲斷利用刀揮影則屈人監莫良是非
頃析子懸我佩永以朝夕

莫陸匪車莫水匪舟舟車路絕我夢子求
莫巖匪雲莫水匪波睠彼舟車如山川何

我不卽子口把子詩子不見我出入倏遲天高月白可以
相思

弓滿箭馳直爲曲使蟲齧桃根李代桃死造化無端得失

環倚達士守貞一泰與否

辛未除夕

勞勞三十載翻畏此宵閑坐斷三更燭家遙萬里山亂書
隨意帙小閣避風關縱有消愁酒何曾解客顏
老親知在念情減去年歡爆竹鄰山響梅花草屋寒天涯
仍歲月童穉且團圞深夜忘寐倚門時獨看

數月不得家信李贊功疊前韻見慰次答

望斷南來鴈鄉書滯遠踪何時天半月隨我上西峯澗草
棲么鳳雲松攬老龍金精高臥處寂聽五更鐘

答李贊功東問近狀卽用元韻

蕭蕭翠竹雨先零卷起蝦鬚戶不扃天際浮雲如遠夢階

前香草是騷經飛鴻無伴空隨月放鶴何山可結亭客裏
閑愁若莫問黃昏羌笛最難聽

答曾信如并柬令兄虞士

遠天雨過陣雲收高館清燈伴客愁萬里書來人隔歲三
邊木落雁橫秋文章未許思龍肉富貴終須屬虎頭莫問
遊秦蘇季子而今纔敝黑貂裘

帝城跨馬日閑行懷古思鄉兩段情晚照臺前尋郭隗變
歌市上識荆卿秋山黃葉高低路夜月清砧斷續聲更是
啼烏兼戍柝撩人歸夢不曾成

羅誼申孝廉以落第詩見示因卽送其南歸

千將匣底氣如虹中酒情懷笑未工前席何妨遲賈誼出

關久已識終童齊亭馬度霜橋月越水舟衝雪浪風歸去
迎年街鼓動故園吟對蠟燈紅

和萬芝堂雪後書懷見東元韻

玉河流水夜初乾貝闕珠宮分外寒大隱龍蛇師曼倩小
山雞犬憶劉安風高直欲搏羊角路險何當讓馬肝也有
閑人銅斗唱接籬翻作習池看

長安冬夜

旅窗燈火翳殘紅獨擁寒衾聽朔風遠客那堪逢歲晏浮
生不信爲詩窮韓非西去書難上陸賈南遊橐久空惆悵
鬢毛思往事年華都逐水聲東

景忠庵拜趙忠愍公墓

公名諱字鎮所雲南昆明石
虎關人官四川道監察御史

崇正甲申李自成犯京師公巡視中城捕賊間
謀誅之城陷被獲不屈遂遇害于白帽衛

荷戈無力護金湯太息孤臣巷戰亡風雨一坏存馬鬣山
河終古付貂璫昏鴉斷角連蕭寺衰草寒煙送夕陽愁絕
月明紅閣夜參差照見舊宮牆

答饒成西

臨風鵬鶚橫秋旻偶爾霜毛落陣雲漫以無知傷趙壹不
知何事放劉蕡化魚也識神仙字抵鵲虛彈珠玉文慚愧
故人勤慰藉他年猶望張吾軍

寄曾信如

勝固欣然敗莫悲名場今古一枰棋本無奴子公侯骨誰
有仙人冰雪肌泉水出山容易濁谷蘭當路與誰期拂衣

定赴黃花約把酒吟君別後詩

公無渡河

河流湯湯白石齒齒公何爲者涸涸而死一解泥不可掘

波不可揚世莫知公乃謂公狂二解公寧渡河毋輕蹈海

江河萬古桑田易改三解河伯沈醉孰辨其由公乎不救

腸斷箜篌四解螻蟻穿穴烏鳶啄肉三尺孤墳屹然魚腹

五解

題饒韜明印譜

側帽偏衫住帝京鸞飄鳳泊少逢迎可鄰刻石之罟手多
爲閑人識姓名

次韻萬次堂東問近病之作

苦口真同受罰觴

子性畏飲藥

客中對此倍茫茫冰心漸已成

塵胃今病猶堪試古方孤榻夜闌燈黯淡半窗月落夢荒唐吟身料理煩卿輩更遣新詩急足將

惆悵東陽瘦不如束腰寬減帶圍初胸中堅壁銷精氣紙上奇兵擲素書入世大都愁宦海閉門便可號僧居故人莫笑襄陽孟多病翻來怨跡疎

潞河舟中晚望

落日照長河秋風捲白波扁舟人去遠前路雁行多亂樹迎帆轉飛星逆浪過滄洲無限興宵渺起漁歌

楊青驛

短棹輕帆日未停楊青驛下水泠泠天涯何地無離別留

得幾株楊柳青

冬日感懷雜詩

萬樹留寒影孤峰插遠天
幽人歡暇日志士惜殘年
歲月風霜逼賤貧妻子憐
荒雞聞夜半空著祖生鞭

斯人不可作令我起長嗟
豈得死無恨其如生有涯
山川忘魏晉身世托煙霞
過客空瞻仰頽垣暮噪鴉

微生

微生率苟且卽事多謬誤
青春去我早脫帽白髮露
帶劍出門來不識門前路

夢中立天地不測高與深
帳中看日月不辨晴與陰
帳中與夢中疑盡今生心

漫興

深山獨往果幽期
草笠芒鞋露正滋
惜竹未鋤當路筍
愛蘭仍護碍門枝
風迴茶竈縈煙細
雨潤香篝著火遲
爲報先生春釀熟
啣杯吟過日斜時

自任清狂未廢吟
中年贏得二毛侵
貧妻莫笑張儀舌
老母殊憐李賀心
青鳥難逢滄海畔
瑤華空發玉堂陰
一從淪謫蓬萊住
回首仙班歲月深

苔侵蘚蝕樹槎枒
挂到千秋劒倍華
古道殘如將曉月
人情好似欲飛花
問誰得比周公瑾
知我真懷鮑叔牙
自有數行無主淚
不關留滯怨天涯

曉赴東山廟

一痕曉月挂前山路繞松林翠靄間何處犬聲驚吠客人
家遙隔水西灣

雜言二首

山不得漁水不得樵用違其材水立山搖
山不盡樵水不盡漁用過其材山爛水枯

鷗

勸君還島嶼此地恐風波芳草暮如此前谿盟若何沙虛
拳足立天遠斷魂過莫倚忘機好紛紛彈正多

戊婦怨

一夜華燈繡戶春朝來鞍馬走邊塵人言郎是封侯相三
十年來記不真

胡霜八月滿交河
毳帳平沙枕鐵戈
欲製寒衣頻住手
知郎肥瘦近如何

一從生出玉門關
轉戰沙場向日還
麟閣功成人已老
焉支山下泣紅顏

迢迢萬里少行踪
雁過那傳字一封
妾夢不辭邊路遠
秋來夜夜到盧龍

春暮

牆頭綠蔭棠梨葉
屋角晴飛柳絮花
盡日相看愁未了一
年春色在鄰家

野眺

薄寒連雨後
長夏尙春衣
永日無人到
橫江一鳥飛
煙鐘

吟夕院風柳漾苔磯不盡此心曲歸來閒掩扉

五日作

猶可忠言悟應無亡國人悲歌向三峽詞賦自千春玉輦
長辭楚湘波不入秦空餘騷客恨讀罷淚沾巾
策馬武開路愁猿巴樹吟君王不可見潭影似秋陰一死
竟何益孤臣無此心芳洲有蘭蕙春色自如今

大水紀事

怪雲逐驚風天色殊惺劣巨聲走雄雷寒光鞭列缺飛雨
如飛雹日夕苦未歇傳云鳳峯下妖螭徙窟穴坐覺坤軸
翻力撼山根折長江渺邱隴高浪駕城闕扁舟入市行老
幼互提挈爨火久已虛杯勺艱飲噉垢衣立塗淖蔽體那

江西詩徵

卷七十八

國朝十四

三

嫌褻三更夢初回
瀕洞來飄瞥衾枕卽江湖
盡室無遺子
鯉躍過燕巢豚亡壓雞桀
百里禾黍空千村井竈滅
中流誰家廬宛然露榱桷
上有垂没人蠕動氣未絕
須臾屋崩散傷心逐永訣
生者汨泥沙死者遊魚鼈
一棺且莫保孤墳或遭齧
誰無父母且洪濤供蕩潏
禍災難具陳俯仰腸內熱
賑卹

朝廷恩憫勞官長切循例委史胥
隨意代申揭往返歲月延什九
填涸轍况工巧利謀撫字反笑拙
欲居無蓬茅欲食希薇蕨等是作
蒸黎辛苦堪誰說偷活向草間
公私均告竭頗羨墮重淵
劬頭吹一呖得免飢寒困
輾轉增罪戾性命總縣絲
後先理何別河伯胡不仁
皇穹降茲孽洎洎

良可畏嗷嗷中鬱結鬼錄看半登衽席幾時設匹夫懼失
所萬戶日流血能吏每輕之口惠恣欺蔑眼穿待膏澤言
出但嗚咽骨肉藉街衢呼號晝夜徹充耳置罔聞酩酊酬
佳節銀燭照深宵笙歌奏屢闌汝曹毋溷我執法今方烈
吟詩備採風沈寃庶昭雪

寒食

雨餘山轉青煙斷樹空碧憤憤千載人因之作寒食割股
非本心殘形以市德一朝賞弗及抱憤去邦國偕隱愚老
親火烈山盡赤誰無父母恩以此報罔極忠孝兩無憑舉
動成徧賊幸哉生季世遂寬殄行聖落日滿荒岡春草綠
沙磧獨有反哺鴉哀啼長惻惻

擬矯志篇

雖有松柏不蔭枌榆雖有江河不濁沮洳雖有雪霜不受
則枯雖有才智不用則愚志士抱冰達人茹荼內勤不足
外將有餘嗟彼昏昏心實腹虛揮戈返日用笑狂夫出入
天地逍遙里間饑食寒衣卒殞其軀憂患長世安樂須臾
瞿瞿蟋蟀子子蟋蟀

夢遊深谷中得詩二句醒而續之

杳然忘路遠雲氣濕秋衣流水無人處寒鴉向日飛

夢句中

風吟梧葉下煙動釣船歸便作移家想青山對竹扉

送族祖由庭先生司訓大庾

夕陽江浦蓼花開十幅蒲帆截雁來貢水潺湲章水急西

風斜折鬱孤臺

送郭醉吟歸宣城

潞河酤酒趁斜曛柳暗花明兩岸分
萬里人歸燕市月千峰杖入敬亭雲
老諳世事都鷗跡閑啟柴門到鶴羣
不厭蕪田還種豆南山歌勝北山文

守風野泊距南康府十里而近

路入鄉關信阻修茫茫真覺此生浮
天如狂士少青眼浪與愁人俱白頭
萬頃沙飛昏似瘴千峯雲凍冷於秋
星數咫尺行難到鎮日孤蓬避石尤

至南昌却寄萬芝堂

匆匆駒唱出神京楚水吳山道路輕
富貴果然推骨相公

卿何必不聰明幾人能了生前事作客空添別後情此夜
相思渾萬里涼風細雨濯嬰城

寄萬芝堂懷柔

竹屋蕭疎簇短籬解衣歸臥碧山陲人生那易驕貧賤我
輩何當遠別離關塞草深官路失江湖天濶雁行遲重陽
風雨愁分手落絮飛花又一時

村行和曾紹九韻

無心頻去住曲折道塗賒暖雨催梅子春風老菜花一溪
山鳥語獨樹野人家頗覺此間樂逍遙闔歲華

示兒子再和前韻

鶯啼三月暮鷓鴣夢十年長此日滄洲臥青青杜若香輕風

宜自矜厄閨嘆黃楊令節催愁近他時憶老蒼

題人書屋

栽松種竹漸成陰曾費吳儂十載心
空館閉門人不到滿階秋草亂葢吟

暮望

川原高下抱溪灣歷歷煙村牧犢還
新月乍高人喚渡晚風初起雁橫山
霜催碧碗菰牙短雨過黃花屐齒閒
知已天涯勞問訊飛書時一叩柴關

館中木犀一株四時皆花獨坐遣懷

地當村盡處路隔小溪斜白草連三徑
青山別一家露蛩依砌冷霜雀入庭譁
寂寞淮南桂時開幾點花

賦

春光轉眼失芳園
亂葦叢蕉倒石根
夜靜微聞田過水
村孤遙見火當門
貼池蝌蚪涵星影
交壁琅玕畫月痕
只有露禽棲不穩
雲霄格格助飛翻

寒雨未得拜亡友曾紹祖墓卽習園遙望有作

魂招不返去何之
又值風高木落時
十步山樵哀死士
一環夜雨泣孤兒
平生自擬無懷傳
他日誰題有道碑
咫尺寒原吾未到
斷雲衰草悵離離

入林

斜日入雲林
林深雲亦深
陰晴翻覆手
山水妙明心
野圃蜂爭葉
春風鳥學吟
居然遺世事
解帶步相尋

步溪上

灘迴石側不容槎密篠連雲夾岸斜只恐漁人知隱處沿溪不肯種桃花

板子磯

百戰中原未解圍武昌兵至羽書飛祇今遺恨長江空繞前朝板子磯

箕山項王墓

廣武空憑後代嗟箕山翠浪濕晴霞重瞳尙有孤墳在冷落長陵幾樹鴉

題李錫九蒲桃畫冊雜體

一斛扶風是勝圖小槽壓酒滴珍珠憑君寫盡西羌種博

得涼州刺史無

夜過梁山泊

朔風吹水夜冥冥舟過梁山涕欲零亡命何爲多草澤斯
人不用惜朝廷煙荒戰地神烏散月墮楓林鬼火青千載
蓼兒洲畔路霜花如血照寒星

董子祠

廣川遺廟噪棲鴉客過燕城日欲斜等是驕王勞作相何
須卑濕恨長沙

臨川道中有山俗呼蝦蟆山云王文公讀書處

平生周禮學尤嫻曾費松窗十載閑不信一經能誤國教
人留恨讀書山

孔思周情一笑輕相公得意竟孤行論功祇合先臣較半
部猶堪佐太平

江西詩徵

卷七十八

三

江西詩徵卷七十八

江西詩徵卷七十九

南城曾煥賓谷編輯

國朝

何在田

在田字鶴年廣昌人高簡厭馳騫寄南昌僧舍鉛
山蔣士銓見其詩壁間與訂交始知名乾隆二十
一年舉於鄉客天津卒著有玉耕堂詩集

文昌渡晚發十里遇風

發櫂文昌渡初辭擬峴臺城隨暮山去江載暗鐘來日黑
魚龍鬥天低牛斗摧且停石尤怒安穩布帆回

題山人洞居

江西詩徵

卷七十九 國朝十五

絕壁懸鐘乳危簷布瓦松烏鵲不到處花氣偶然逢挂鏡
常疑鹿投梭欲化龍自來真隱地誰信有周融

郊外

客久疲驢跛鼈行道逢山叟亦知名欄邊花艸牛羊路樹
裏人家杵臼聲旅病伏牀聞蟻鬥經旬掩耳學蟬鳴滕王
閣上新秋色猶費詩師數日程

山雨夜

匡牀伏枕病相嬰山空夜永魂欲驚虛堂燈火魑魅出古
樹雷雨龍蛇生向達關河正昏黑經秋歸夢猶分明雲中
羽翮霜濕盡故人裘馬長安城

送崔尙之歸蜀

崔君趺坐厭局促多在楚鄉少在蜀坦然嘯歌真率人不
似吳兒腸九曲西施嫫母各天然弄粉調朱乃粗俗君才
本非幕下士肯教明珠彈飛肉脫粟布被我有之何用故
人富貴爲執炙焉能知炙味丈夫立志羞朵頤白衣步擔
不足惜客興無使秋燕悲篋中雖貧亦何壯猶有五萬新
蒲葵此去湖湘烟雨隔千山萬水想行迹樹因無主號相
思鳥不多情亦頭白心中萬事常棘口握手匆匆憶不得
但屬他時幸相見不改今朝舊顏色

飛花舞蝶詞

南陌東郊綠漸多黃鶯作隊調笙歌月榭花臺兩相望珠
簾翠幕春風和春風簾幕花如雪蝶趁花飛飛轉怯片片

吹來蛺蝶花終日見花不見蝶花間生長學花飛滿身金
粉花作衣爐香裊裊泛晴晝游絲裊裊縈餘暉驚鴻兩袖
迴烟霧舞罷霓裳天未曙昭陽倦倚春日慵花點春衫霑
不去張家公子虬髯朱筵開錦繡當春燕已集飛花爲茵
席還添蛺蝶入新圖花辭蝶去春相送青苔滿院垂楊弄
蝶更飛來不見花落花寂寂春如夢

賤骨草

草名賤骨者葉如蕎麥中有赤心枝幹蕭疎人截
一取之得土卽活旦夕可成數本能治重傷凡跌損
者以根漬酒服之立效考古方書皆未及載土人
因呼爲賤骨春間偶於李姓宅獲一本種之遂爲

詩補本草之遺

佳藥出南方，醫人未能剖。得植卽扶蘇，生長過蒲柳。葉小
不盈拳，中含赤金鈕。結根任泥塗，取用但尊酒。旣愈陶公
臂，亦療徐君首。呻吟可以歌，跛僂倏而走。暮春得種歸，愛
惜如瓊玖。寸寸析其枝，葉已樹八九。祝彼億萬身，倏忽亘
阡畝。萬物期有用，貴賤復何有。方其濟顛危，參苓亦匪偶。
胡爲古岐伯，遺之諸藥後。指斥任童稚，身賤名亦醜。泔洗
與受封，同是不龜手。

雨過步龍溪菴山僧采沙菌供饌作詩示戒

天欲雨，山濛濛。蟻蠓上下如相舂。井邊蜥蜴含冰雹，埵前
野鶴旋蟻封。虬龍咳嗽隨風續，沙礫叢間散珠玉。雷驚電

發若鬼神俄然明出齊
莎綠玉娥飛步遊雲輶
瑤簪委露空盈盈如意
水晶墮秋月肉芝肥膩
仙人耕數行圓統溪光
碧魚頭老鬼不得惜清
泉洗剝覆絡巾童子肩
藍到香積紅爐石鼎春
風吹雪白銀花爭上匙
膏液流香溢喉吻椿芽
玉版何足惟我聞春夏
之交盛蛇虺古苔毒菌
氣相使儻然入口爲饌
節養生恐累昔人旨齋
頭壘粥吾所不能敢一
飯隨山僧甘鮮自古多
酖毒我歌此語世莫憎

放懷

三年羈病絕冠纓此日
家山眼力明歷遍世緣
粗識道恥從詩句得知
名溪畱灘鴻能消毒庭
植冬青却愛晴石鼎竹
爐無一事雕胡如掌露
華盈

卽景

絕巘雲初斂，春亭氣漸和。地浮殘雨盡，江剩夕陽多。澄酒開青籜，香糕襯綠荷。兒童解新語，時入竹枝歌。

競渡

四月八日龍轉頭，渚花淺淺蒲芽抽。沿門斂錢作競渡，佇待五日凌波遊。分明列隊誇輕駛，鱗鬣亂捲滄烟起。持橈原是善沒兒，身雖在船如在水。千槳伐鼓鳴春雷，綵旗隱隱卽復開。翩然一逝鷹隼落，長河倒却風雨迴。數折欲摧銀浪擁，夾岸一呼萬人聳。回身便作搏空勢，意思安閒賈餘勇。隔岸招得三閭神，輕風落日波生鱗。莫道爲龍君不信，此間還有奪標人。

放鯉

暫隨琴客到江湄又感劉君起夢思
細點落花紅雨泛一痕新藻綠波吹
如逢洛水還應見此去龍門亦未遲
率爾清吟聊作餞豈堪畱屬白雲詩

醉歌贈田思誠

我行自遠鄉寬此家室憂君能年少
從我遊攜囊把劍出門去不聞室中兒
女作別聲啾啾我猶困厄君何求丈夫
心事能知不寒飈削盡驕驕骨秋雲矯
矯盤蒼鶻金鞍玉鏃置人間自向天邊
追日月斗酒能買字千金能買文天生
我儕竟何事案頭故紙徒紛紛醉歌一
闋君應聞

野望

屐危仍舊蠟衣浣試新痕小雨來何處歸雲各有村町畦
聊自治杞菊與誰論燒塵何妨事真知舌欲捫

盱城九日鳳凰山登高

黃花對客如欲語手把黃花覓遊侶提壺挈饌出北城兒

童競指飛鳶處

盱俗九月
賽紙鳶

盱城婦女新雲鬟不臨秋水臨

秋山穿蘿踏磴試嬌步牽衣謔笑相追攀秋空雨洗蒼苔

歇紛紅駭綠春風發山上遊蜂竊鬢花山下行人數羅襪

墮珥遺簪猶未歸衣香人影送餘暉眼前幽景那可道相

逢慚汗沾人衣我聞風化謹自閨門始三步之間行且止

南城客舍贈鄰叟

客遊頗快悵晚出從里閭此邦負販子亦復能知書嘈雜

市井語時好及古初邂逅行吟士意不嫌癡迂競前欲把
袖問肯畱題無雅意難重謝更覺情興俱我思安道琴不
爲王門娛忠恕一角山神氣猶可呼真意苟自得微藝知
廉隅我雖富吟咏恥爲名利奴囊中應酬作落落晨星孤
最喜具三昧侶此樵牧徒春泉答鳴咽山鳥齊吁喁無心
動天籟造化爭錙銖還憎文士語終覺參皮膚抽毫易紙
盡贈我勞乘壺持此百餘言愧與瓊玖殊

偶閱何渭綸黃雨稼舊作

專陣雄師久寂寥開函猶得見嫖姚將軍下筆無凡馬侍
御開弓有落鵬人事何曾離夢寐文章真欲遍漁樵肝江
舊約追吟處雨滿空城蠟炬銷

冬夜

江雨吹藤榻簷風引竹爐稍聞塞柝靜時有夜船呼敗絮
畱如贅村醪淡若無山妻佐簞管似慰楚吟孤

自嘲

溪本無愚號齋應有拙名枕酣新夢美酒罷故愁生漏室
童憎掃貧居犬不驚雞豚多自課聊復矯慵情

贈豪士

絕隊飛騰渥水姿天然風骨自拳奇已收季布爲僮僕更
叱楊修作小兒名下幾曾有虛士腹中真不合時宜何年
射虎南山下短褐還應匹馬隨

謾興

解醒終日賴偏提跛倚無妨任小奚客少常畱不鳴雁睡
酣翻喜失晨雞茅亭融冶花生氣石徑崩斜雪作泥最是
春陽宜曝背柴居還有辟寒犀

樵舍懷古

大同春暖毬車擊惠民門外忠魂泣奸王不用婦人言天
子自艸將軍檄長戈直下安慶城欲捲滄海東南傾螳螂
怒臂初一試河魚潰腹俄相攫王公崛起本儒將談兵反
據孫吳上笑施鐵鎖取長鯨不見飛塵侵玉帳揮殘白羽
如等閒綸巾艸服歸華山明珠薏苡終可辨功名長在江
潮閒古來萬事浮雲聚獨羨儒冠有奇遇尋幽步屨南州
行居人猶指婁妃墓腐毫濡筆稱書生終年束縮秋蠅聲

最憐姓氏人不識咏懷往跡空傷情

偶題

積晦雲疑闕新晴艸欲焚柴扉如紙薄澗水自螺紋高樹
分鄰界荒村壓古墳里巫殊醉飽祈賽四時聞

行吟

行吟多異境幽思亦傷神山鬼常聯臂溪虹倏現身詩能
違衆賞愚敢畏時噓籠袖穿仍補枯腸日轉輪

荒居

門倚溪爲徑人因石作梁移牀蟲見蛻徹饌蟻徵糧傲本
嗟奇骨詩應有別腸謀身酒泉郡一醉大難償

大水

四月猶春濤雙江地相接奔流雜城市跬步必舸艤蠅蠹
倏半扉臥久冷浸脇豈惟魚鼈親行與蛟龍狎高樓望烟
火聳峙但城堞洲渚本萬家渺渺存片葉東村勢頗欹十
頃同一涉父老廢生計觸目淚盈頰我辭慰父老偏災亦
易厭春流已徂夏氣盡將安貼水平見町畦晚種尙堪插
明時寡追呼尺土卽安業我無負郭資素遭飢餒怯苦吟
督舌耕饑鳧聊噍唳閉門對陶妻無從助荷鍤硯田日以
災九載逢堯劫登臨破積愁惡使在肩隄生平耽癖性對
景必漁獵臨流祝詩筒尙恐馮夷攝

晚景

半菑青條擁臥槎荒溝古水尙鳴蛙寒星欲失見漁父小

雨無聲添落花久廢楸枰碁戰北新營膏燭夜吟賒多慚
薄劣無他技餘論何須玷齒牙

飼鳥

豪家好禽鳥羅網遍郊邑探穴兼覆巢取百不全十金籠
閉雕居日夕繁啾唧有如桎梏人敢仇誰敢德雖勞梁肉
費安有好顏色置身六合間狡籠已逼仄胡爲尺寸地又
欲添荆棘我有樊畜所山南與山北飲以高陂流飫以稻
田食好音激耳聰高舉窮目力徘徊答我意何嘗異卵翼
而與羅致勞千倍殊失得嗟嗟飼鳥兒此術汝豈識

秋獵

早城嚴鼓角霜高秋意淨元戎跨郊坰千隊齊一令時平

士恐騎習厲氣乃勁稍稍近驅馳進止嫻用命龍絲紅旆
纏麾槍油碧映猛氣咤風雲相視息每屏萬馬皆迎蹶整
列不敢逆風毛兼雨血肅肅原野靜傳聲指熊虎餘力殲
梟獍未欲先網罟還惡及機穽殺獲必中禮多傷非所競
歎息感道左拭目羨軍政旣誇節鉞雄亦驗都邑盛壯志
何飛揚顧盼失羸病追論西涼才猶睨華林詠空餘爽颯
姿雅與詩律併

觸目

隱隱杉皮屋離離芋葉田歸人如斷雁遠水勝浮烟市廛
低魚價村荒減社錢投壺有新格爲致酒如泉

野徑

野徑無人問，隨牛自得村。
飢烏號里社，落日上烽墩。
石屋風回互，溪田水暗吞。
無端乘萬慮，蕭索動吟魂。

送賴明府錫蕃之安東任

賴公台閣器，早歲羣賢模。
通材少疑滯，懷寶明時需。
在山爲琅玕，在水成珊瑚。
射策黃金門，已擬枚馬徒。
藏名羞謁刺，華省遭遺珠。
戢翼倏八載，始剖安東符。
安東地斥鹵，卑俯洪河區。
溝洫久茫昧，旱潦皆危途。
堤流稍滲洩，闔境無田廬。
雖逢時雨降，亦復憂爲魚。
鳩形起復臥，數載忘耕耰。
未死難忍飢，反恨多殘軀。
日覺烏鵲親，豈計妻子疎。
家室縱偶存，漂轉同亡逋。
更當汙萊久，千里停泥淤。
蝻子一萌孽，延蔓煩驅除。
設捕有官司，名擾實恐虛。
懸賞費公錢，藏

種滋奸帑如傷兒

聖主萬姓胥待哺倉儲罄遠近不復詢錙銖安民有司責
奉職人人殊散給遍村堡耳目誠難逾驅民就糜粥棄業
尤堪虞低昂就戶冊貧富多相誣奸詭或兼利愚拙終偏
枯民飢吏始飽百弊聊舉隅古稱循吏職最喜由名儒常
平與義廩斟酌新安謨矧今

聖澤廣瘠土皆膏腴上官無掣肘比里停追呼盤錯雖偶
試善政猶易孚禁蝗預焚薶復業優犁鋤精明出鎮靜批
卻刃有餘濟時本公志攬轡仍躊躇慈祥見顏色已卜民
氣蘇哀鴻寂不喧慶惠來

聖書上天無偏頗

聖仁各沾濡行繪幽風詩易此流民圖

鎮江口中流遇風

船頭五兩風獵獵日看江豚出復沒今朝午過勢忽平舟
人得閒貪一捷飛廉餘勇尙可賈半餉蓄威怒轉赫東南
地軸撼更動欲捲金焦下溟渤潯頭逆與帆爭高十丈當
前起凹凸騰空疑駕馭置橋回身又踏蛟龍窟轟雷礮石
相舂撞檣欹舵側爭毫髮長年三老水蔽面性命苦難拚
一訣號呼乞救有天意奪港直如墮片葉岸人見浪不見
舟盡問舟從何處發淋漓衾枕互相援偶存櫓櫂半摧折
有如嬰雛入母抱縱有局促那敢說鄰舟喧囂弔且賀終
宵屏水聲未絕沾觴更執我友手

時同舟者毛學夫黃雨樑

素共艱危

異秦越破篷偃息魂屢驚時見楓林弄纖月不眠愈厭秋
聲多起望江天浪如雪

江陰秋夜野望

暗風驚沙沙撲面艸底青燐大如扇鷓鴣夜嘯山月高絲
管空林鬼神宴此邦遺俗原句吳戰場舞地無時無鄉人
射得前朝鹿銅牌鏤字苔模糊澄江門外潮來去盡是遊
人傷懷處東望黃山南距城黃山與君山皆以春申君名
縣南盜賊相傳盜距曾居此
不知尚有延陵墓墓在縣西申浦有古篆文十字碑銘曰
嗚呼有吳延陵季子之墓孔子手書也
昔人轉瞬思與賢今人極目惟荒阡黃金變骨覓神藥不
如適志當少年買田卜築情空在墜雨離雲知幾載種植
每嗟水土異地名半逐鄉音改海天雲樹難淹留由來不

愁今亦愁更闌人散夢復覺坐視身世如浮漚

秋夜不寐登所居小樓書懷

毘陵地卑濕灌木拱幽榭飢蚊不可驅與我爭獨夜愁人
肌理薄諸病易相假思親夢千里伏枕淚愈瀉自嗟才驚
拙未必遂人下生涯歸朽蠹精力竟休罷癡心恃壯歲侯
門欲增價燕齊吳楚間涉歷始一罅乖張蝟毛起徒致戚
友訝囊中舊論議有如美龍炙學道戒亦難中路少憑藉
前賢失足處未敢輕唾罵驅馳衣食債迫索無貸赦籠禽
祇自怒腐鼠屢遇嚇觸目增百憂懷土尙未暇偶依王粲
樓指點杜康舍

江陰縣南水關內有杜橋旁卽康宅故址

未知達人情肯容俗

士駕

牆上樹

古牆沒苔蘚稍可辨蝸跡宿鳥糞所遺怪樹生其隙長速
疑有神薄植反肥碩得氣積土微負倖時雨澤突欲摩蒼
昊豈懼遠地脉幹穿雀穴過枝與藤蔓格槎牙礪麋角拳
曲駢雞蹠踰垣山鬼獰緣壁驚猱擲壞址翁背僂裂磚龜
兆圻末大雖崢嶸根虛露逼窄據高色易榮托險勢愈迫
難當鸞鵠盼僅足蟲蟻螫金風將怒號白日猶欲隔蠹蝕
堅固資牽致傾覆厄掃棄戒僅奴憇蔭避行客芟除理固
然摧朽期亦迫巧婦集葦苴自視本磐石

自崑山歸抵江陰

又見歸帆處延陵舊邑城早霞隨日上敗葉擁潮行飈激

翔雲吹鷗翻翠旌客懷添幕府新覺搗衣聲

病心

旅次除難盡深秋憊轉加僕催迎客緩友責報書差掃席
驅蠅虎攤衣畏壁蛇此心安未得何處足爲家

客館讀書

艸根出斜陽人影上高屋俯聞石砌鳴落葉行相逐偷閒
理舊編披對輒慚惡憐我若故人幸未更面目生平少記
憶有書不成籠隨身萬牙籤差勝手未觸邇來失故志顛
倒事塵俗道心難卒勝猶有夢中哭無復溫舒蒲虛坦孝
先腹偶然窮冥搜拒召類頑僕蒿箭還射蒿得失一反覆
艱難分所甘恐遂廢誦讀聰明供世役無益祇取辱掩卷

倚亭沼中腸如轉轂

過嚴子陵先生釣臺

釣臺永峙桐江濱桐江繞臺如龍行捨舟登臺再拜訖歷
數遺碣窮瑣珣天生聖哲期濟世跡殊隱見事亦均先生
豈有泉石癖無端行遯非人倫赤符烜赫中興紀耿鄧寇
賈皆奇英鷹雕在塞鳳在藪冥鴻獨舉蓋有因功名過盛
捷足衆不有廉退成矜爭開基時事後成俗空言豈若示
以身從來當局疲布算局外得着尤精明烟波萬頃山萬
仞下視一世鴻毛輕高風捲映三百載朝野崛起凡幾人
清流最數東漢末咸敦名節羞浮榮三綱未絕賴一綫豈
同處士誇縱橫董曹威力誰敢制餌誘豪儁欺鬼神經營

漢鼎漶屢墮區區祇畏清議曠先生遺澤至此見百世猶
可扶危傾故人相報誠亦厚同寢不愧天子情事功所就
獨任大羊裘何必殊冠紳乃知漢主山林友卽是當年社
稷臣

自江左歸里與族兄渭綸同憩佑清寺夜話有感二
首

匆匆花事到棠梨聽雨僧廬夜話時歸客喜能逢舊侶踏
青依舊負春期

時與田耘茲約往三村看桃花不果行

中年哀樂情多異此

日頭顱事可知同在不堪回首處塵緣真覺亂如絲

二姑山色對嶙峋十載相逢野水濱聚散只如前日事風
塵不似昔時人終年活計同厮養八口貧家累老親未便

與君惻悵說一般情思易沾巾

漫興

僻處非林莽浮生異隱淪病多愁未減詩廢懶成真繫犬
憂妨客移垣欲讓鄰未關沽直道實愧葛天民

隙砌繁新植疎籬貫細莖竹光晨露滑池靜夜泉生藉懶
成高志因貧得儉名風塵回首處差勝客中情

深秋

阻隘臨江宅清秋思倍長廢書晨起緩遣僕舊畦荒衰艸
眠微雨寒禽戀夕陽伊人不可溯仍見露爲霜

閒居雜賦

隙地開方畝籬門向水開栗乾風折彙芥晚雨生臺近市

原字隱能詩豈是才艱難失萊婦操作亦堪哀

子悼亡已再週矣

門闕常蕪徑賓多不整衣雨晨函硯潤露夕艸蟲肥名薄身遠泰心閒夢漸稀宴安雖敗志亦足省危機

樓外橫空翠歸雲落半巖江流帶鳬雁日影漏松杉樵室新爲榻漁舟網作帆懷人久延佇頻檢舊書函

岸穴逢漁竈榛叢隱社祠曉寒人跡靜江閣櫓聲遲病橘難逢稔勞薪豈任炊幽閒增道氣失意盡良規

未熟鵝黃酒旋催蟹眼湯看童燒落葉畱器試名香有客嫌庭窄無書覺晝長自甘三白味魚炙笑吳莊

自遣

久不勤酬答書箋篋半盈才疎慎交誼福薄畏詩名煖足

煩湯媪開懷聘麴生長鑱偏有興乘雪刷黃精

晚夏

園桑成繭野蛾飛稱體輕涼溼葛衣容悴多因爲客早心
閒還幸受恩稀遠尋蒼耳雲封逕鮮剝雞頭水沒磯却勝
去年吳會地菱歌蓮舫苦思歸

南昌閔節婦

嫡庶異名分秉義實則均苟能效忠盡豈必宰執臣節母
陳氏女南昌閔公妾窈窕二十餘夫君遽妖歿閔公擅文
場有聲在膠庠居貧篤禮教資志人所傷臨危意沉吟欲
語首漸梗顧嫡指婦身伊誠可憐憫吾門固衰薄有嫡堪
支持汝無承家責莫負青春時妾身雖微賤妾志安肯俯

金刀落烏雲妾命同一縷不惜身殉棺君有溺愛名主姑
猶在堂爲君代養人上堂娛主姑隨嫡侍甘旨不忍姑衰
毫悲痛泉下子姑旣終餘年事嫡猶事姑嫡復中道棄家
勢益以孤經營舉兩喪耐塋先塋側塚上屹豐碑塚下無
荆棘嫡身未了事妾獨身任之夫君未卒志繼述當待誰
君嗣無親出義取嬪齡續辛勤教且婚康強輒不祿遺孫
撫孩抱成立更難俟母之爲閔氏盡瘁亦乃至憶昔來閔
門二十顏如桃憔悴逢多艱短髮先飄蕭朝朝無宿米夜
夜無停織轉盼四十年茹苦如一日幽貞久益顯閭里生
輝光有司爲

上聞賜帑勅建坊旌旌導鼓樂邑令騎馬隨

鸞書下蓬華童叟相奔馳婦出迎且拜垂涕爲之久人生
有家室白頭貴相守閨氏惟家難胡忍成我名更悲嫡早
逝不及被茲榮邑令前致辭母母太勞苦豈無康樂人所
得孰母愈里庠肇風化舊跡資簡編不如畱母身典型千
百年考行有險夷立德無貴賤人人識義烈家國永安奠
吁嗟蘭臺史珍重銀管書爲庶尙如此爲嫡當何如

春日江上小園卽事

春泥小徑濕柔荑蘚綠空園響竹雞斜日遠山凹凸見晚
烟叢樹短長齊門庭整頓煩良僕井臼荒涼感故妻眼底
十年無限事江流亦改舊時隄

饒拱北暮過有作

半畝藏身學井窺，閒居幸與拙相宜。文心懶似驅疲卒，生計忙同救敗基。鶴瘦自憐新鍛羽，樹高還剪欲橫枝。開門未乏張樊客，只少金魚四座垂。

自金谿抵鷹潭道中

畏暑行常早，膏車夜未闌。荒程難計里，野飯不成餐。旅病煩人恤，羈憂祇自寬。倚閭應更切，誰與寄平安。

貴溪舟次二絕

輕儵逐隊下晴湖，湖裏縱橫亂石鋪。淺碧一痕隨舵尾，數峰顛倒出菰蒲。

回巒曲磴徑層層，日暮歸樵半是僧。梵唄不知何處作，綠楊梢外一秋燈。

龍宮百戲圖

珠宮貝闕誰能逾東演析木西天墟彩虹百道橫高衢靈
虛凝碧開千區寒光夜徹文綺疏水晶填砌黃金鋪五花
樹倚青珊瑚建以赤纛旂容與雨工矯步來庭除飛廉屏
翳何衙衙支祈罔象驂天吳便娟小袖當雷車黑潭蛟化
青衣雛起乘赤鯉持蒼蒲慮億萬歲滄溟枯以尾叩天天
模糊淵淵鼙鼓齊揚桴蛙吹蚓笛潛泥塗錢塘破陣舞萬
夫癡龍狂走覓失珠奮首之鼉冠蓬壺顚蹕欲播羣仙居
須臾列館低笙竿風鬟霧鬢明且都冰綃稱體輕六銖凌
波照影迴雙趺含情流睇態有餘問名當是凡人無紫衣
南面行天符一嘖一笑成慘舒電睛閃爍虬髯朱夜光尺

壁堆塵隅燒炙燕脯羅珍廚偶然噓吸傾江湖龍威丈人
抱素書金繩玉檢藏帝圖子先茅狗誰迎呼或采五石供
朝餽犇騰海驥飛神魚前者陽侯後靈胥明璫珂珮止且
趨左右祇侍承君娛元甲使者行攀如竊語似笑嫫嫫軀
洞庭往事傳聞殊誰窮浩渺攀仙裾長安好事工形摹頓
使海市生窮廬三庚煩暑一夕驅勝攜龍拂垂鰓鬚宵來
風雨鳴竹梧彩舟恍惚神靈俱嗟我欲賦慚元虛人間文
字何所需措大豈免嗤羣姝

津門晚眺

津門斜日下東流無數朦朧伴海鷗陰火欲燃天轉晦晚
潮纔過暑成秋托名久擬逢羊陟作客誰當識馬周自許

壯遊差不負蓬萊雲氣滿之罍

客館

兩年偕計走京華那更羈身渤海涯豈有奇才堪許國無
端隨衆強離家齋廚爨熟吳田粟番舶香移粵嶺花稍喜
南方風味在故鄉忘計道途賒

天津雜詠

盤古廟

青縣南十五里有廟

洪濛初闢無人倫聞有盤古明君臣又云人生必有祖約
略尊之號盤古年荒事泐資游談盤古有墓青城南吾聞
古無封樹制此地高墳踰鳳嶺况當文字未興時誰圖形
貌留荒祠遺俗常拜墓常掃歲薦殺烝雜香茅先民亦復

能火食里巫獨識神嗜好君不見儒生讀書頌陶唐讀史
補三皇豈如里巫學更博能爲盤古創祠樂

高適故里

南皮縣東南六十里

至道無殊軌衆藝守一偏膚去神理存彼此皆相兼何況
文章事于道尤近焉古人重守內面目羞雕鐫餘瀝不丐
人鑿井期得泉發機度不中未肯虛鳴弦高公嶽嶽士涉
獵逾精研五十始哦詩李杜爭後先想其未傾吐妙處難
具傳偶然落文字有如鴻爪粘扶輿含萬竅陰陽自回旋
鱗觸方一鳴宮徵原天然後人利淺植搜索供熬煎髫稚
逐盛名白首歸狐禪欺德貴苟成見小執益堅徒嘲詈癡
得速朽亦可憐人才豈殊懸立志分愚賢歎息仰遺風朗

前琳琅篇

神堤

青縣南永樂間河決盡沒民居邑令王彬痛不能救自投于此後人立祠堤上

嗚呼河伯不仁令受民於天子戕吾民令寧當以身民爲
魚兮令不忍獨生長鯨厲齒飢蛟舞欲訴馮夷逢帝怒可
憐恨比滄溟深碧血空斑堤畔土令有一片心不化精衛
魂化爲砥柱堅精衛祇解銜木石砥柱萬古迴狂瀾嗚呼
古之名賢率以死守職公獨不幸而罹不測君不見漢王
尊宋蘇軾

新秋書懷

百歲逢秋事事加一番風景又天涯明河微透津門樹夕
霧先迷海客查無伴祇憑琴敘舊難歸愁聽僕思家回頭

三十成何事未怪稽含咏鬻華

雜詩

泉貪飲則貪泉狂飲則狂物性固有定斯人獨無常君子
重守內何物能縑黃羣命由我造我泰世則臧失時亦鵲
起得志乃鸞翔伊姜不予欺後世有南陽

羹猴膾修蛇穢惡人所嗤下箸未及察往往甘如飴廉潔
士所常造物胡忍違驅之就苟得自哂將奚爲惜哉無易
牙誰能別滄溜

貴人馳朱輪拘閤欲褰幃經生不窺園垂帷意自遠榮悴
一何殊苦樂乃相反旁觀無定形得味貴身踐君看伏翼
燕各自成旦晚斷鶴與續鳬爲識母乃淺

駑馬能致遠寸絲亦挈石敏鈍各有數斯理期不易早歲
貪著書動欲成簡冊消磨客氣盡積寸未得尺早成非重
器疾行無善迹古來立言士不畏元鬢白

少小多暇日視之比虺蜥盛年知爲樂憂患尋與俱孤哀
耿誰語結托依琴書六經爲府藏雜藝充庖廚仲與苦不
足君平病有餘雅俗雖有辨芥蒂意不殊何能一無累披
豁還太虛

昔人有良言能賤貴始可根株倘未固衰至則驕情飽帆
遇颶風收發豈由我詭途營倖免所避每相左鳶飛墮腐
鼠亦兆虞氏禍

淳輝字玉山武寧人以歲貢選樂安訓導

觀音閣

巖峻傑閣逼諸天濕翠飛來便欲仙
灘送濤聲喧渡口樹移山色到樓前
晨鐘頓醒幽人夢午梵閒停過客船
獨倚危闌貪眺望竹西風起上炊烟

陳鏌

鏌寧州人

丁令威故居

松邊畱語憶仙風城郭蒼茫盡眼中
人去千年忘甲子宅餘五畝是丁公
九臯清響常聞鶴十丈流波尙臥虹
邑有橋相傳丁仙遺跡曾賦歸來無住著
廣成寧復坐崆峒

盧熙載

熙載字牧持豐城人著有淇竹園詩鈔

蘇公圃

離落黃花滿尋幽到僻坳月明寒竹院風細入茆亭老樹
團雲古殘碑蝕字靈高人千載上唯見菜畦青

徐景階

景階字玉立豐城人

東湖晚歸

落日在疎林冉冉遠山暮獨行水一涯徘徊此歸路衣單
砧響切朔風涼漸度元冬忽已移飛禽息野樹與物忘其
機悠然舉遐步

南山岸舍舟陸行口占

峰高懸日迴倚壁息浮槎溪合山春亂藤交谷徑斜唯應
失齒屐何處命中車登涉參陶謝遙情逐曉鴉
春晴開爛漫風煖逐繁音溪渡灘迴曲山凹雪到深遊蹤
親水鳥心緒渺烟林衣帶看應緩蹉跎托遠吟

游 蘄

蘄字景舒臨川人著有霽亭詩鈔

古意寄陶栗亭

桃李多好顏松柏有古質守茲歲寒心誰爲念蕭瑟秋風
無近姿春風無常色願言敦素懼毋勞徒惻惻

陳繼鎮

繼鎮字靜遠新建人

秋日書懷

古木生悲風烈士有壯心剪燭坐深夜惻惻秋蟲吟鴻鵠
懷奮飛展翮凌高岑

獨臥層樓上誰可與言者屋後有鳴鵲門前無車馬遠聞
鐘磬音渺渺秋林下

徐之鑾

之鑾字殿鳴進賢人

贈正悟寺巨珠上人

結屋龍山近幽棲慧性存繁華頻過服蘿薜自當門遠水
兼秋闊寒雲入樹昏一燈陪古佛久坐與君論

張夢龍

夢龍字雲從新城人著有吳越游草

歸舟卽事

山色濛濛裏催舟過淺灘斜風吹帽側細雨逼衣寒囊乏
麥良賈身輕勝好官敝裘歸去著把釣有長竿

魯志勤

志勤字贊皇新城人

感懷

富貴不足喜貧賤不足悲人生天地間忽如長驤馳魯陽
無復作誰能挽西曦惻惻烈士心常恐年命衰榮名古所
尙修業當及時

好鳥在樊籠不能翺與翔哲士沉下寮焉能申麇麇世途
多捷足援手藉金張叔夜遇非時多才反殃至人有愚
色盛德貴深藏卓哉大易訓知柔亦知剛

陳逢

逢字孟郊新城人

荅陶繹山

松柏生山阿蘭杜產江沚君心秉芳潔令我思不已邂逅
識生平訂交期終始伊人久瀚沔不謂其在邇

論交貴久要我懷亦如此古人之道存方寸無渣滓綢繆
客舍中一獲所指初如人世艱岐路何者是

李一清

一清字聖特宜黃人

寓懷

美人隔江漢滄波渺何極會無濟川舟焉得晨風翼欲寄
雙鯉魚水深不可測傷心蘭蕙花旖旎幽巖側芳馨空白
持秋露妬顏色明月上紅蘿中宵起太息

翩然一飛鳥來集珠樹林豈不珍毛羽惜無萬里心黃鵠
矯健翩下視盡浮沉秋高風氣迥悠悠空好音

秋晚雨中登滕王閣有感

搖落驚時暮危樓雨際過西風吹短鬢秋色冷滄波重以
三王跡翻茲百感多江山餘勝概歲月此蹉跎

高 懿

懿字近泉武寧人

述懷

結性在貧賤讀書思有爲豈識志不遂偏值余數奇寄意
與良友秋蘭常自持世榮如不及山雲亦心怡

張濱

濱字浴海武寧人

荅楊文雪

物理有疎密人情異合離所欲達其真慎以區妍媸區之
苟太明其論難重持平生得力處隱與寸心期

余光廷

光廷字汀瑰武寧人

過頭陀寺

蘭若山胥古天然出世幽雲埋三徑晚泉瀉一痕秋密竹
兼松老疎鐘帶梵流佛燈長不滅照破幾人愁

盧廷亮

廷亮字雪香武寧人

夜過破石潭

片石留奇處揚帆走四更風迴星影亂月上水痕明岸火
投漁艇江雲入鴈聲蒼茫千古意兀坐與誰評

宋士宗

士宗字崑圃星子人

圮橋懷張子房

亦帝燄未起祖龍威方張一椎等毫末浪擊何匆忙目空
無全牛氣豪渺入極不折孺子心詎容下邳匿卓哉黃石
公指點幻無蹤秦鹿教之逐楚猴失其雄至今圯橋水滾
滾流英風

楊煌

煌字輝璧安義人

古意

捲簾送芳春登機爲太息鴛鴦織未成金梭已無力青陽
不少延朱鳥飛已急灼灼庭前花風吹誰愛惜

熊振澄

振澄字渭源南昌人

燕子磯晚眺

攬勝一帆挂重過燕子磯驚心看白浪回首失烏衣風意
江豚拜天空海鶴飛晴波如匹練畫裏送將歸

盧純

純字居仁南昌人

春日野眺

桃李盡成蹊飛花滿四畦人耕茅舍側犢飲石橋西蟬
水中落鷓鴣山外啼尋春餘興好一樹柳陰低

宋步蟾

步蟾字星南新建人

望湖亭晚眺

江西詩徵

卷七十九 國朝十五

五

雲外青山山外舟
烟波脉脉使人愁
闌干十二非人世
風露滿身空倚樓

應 奕

奕字芳遠靖安人

青山阻風

客子終朝怨石尤
青山腳下繫孤舟
洞庭月落湘君去
醉讀離騷倚柁樓

陳 濬

濬宜黃人

春晴

昨日東郊外
芊眠草色平
餘寒都在水
小霧郊宜晴
柳絮

遊人馬花深坐樹爲尋春休爽約繡陌好同行

洪麗中

麗中號嵩峰宜黃人貢生事母以孝聞有嵩峰文集

牛口寺小酌贈族弟配三

撫劍忽不懌出門尋梵宮言登古亭上坐飲百花中以我
鬢欲白而君顏正紅芙蓉采秋水慎勿怨東風
愛汝讀書地山花紅近樓相逢半日話頓釋一春愁落日
隱林竹暮風歸釣舟飄然余徑去好夢尙夷猶

滄臺門卽景

黃葉隨風下女牆吹來衣袂漸生涼荒郊有路多衰草亂

塚無碑半夕陽茅屋苔輕微帶濕藕塘花老暗飛香最憐
細兆中田坼負汝冥鴻趁稻梁

臨川道中

茅亭屏水犢拖輪秧插平疇翠毯新綠暗前村鳴布穀銷
閒最是課耕人

高低村路濕苔生籬畔喧傳打麥聲爭道今年天氣好黃
梅晴節雨初晴

黃瑜

瑜字仔玉號石菴新城人布衣著有臥遊集

玉山晚眺

片帆墜露明秋壑白月流空照晚灘風俗他鄉曾不辨此

身只許著煙巒

熊中泰

中泰字舒亭南昌人

遊連城冠薦山

尋幽穿玉峽濟險仗丹梯不到層霄上安知下界低泉聲
飛作雨樹色蔭成蹊中有田田葉東西路欲迷

送裘大魯青歸里

六年燕市客肝膽與誰同嗜古情相似趨時術未工劒銷
龍虎氣鞭信馬牛風若過章江日期君尺素通

盧翹拔

翹拔武寧人廷亮子副貢生

遊永慶寺

欹斜一徑轉幽篁寂寂招提午夢涼
斷岸雲流帆入畫虛亭花落屐生香
鷗臨野渡浮春水人坐疎鐘到夕陽
咫尺纖塵污不到仙源何必訊漁郎

嚴思潛

思潛字敘揆號潛庵分宜人乾隆二十二年進士
靈山知縣著有潛庵詩鈔

登大孤山

孤山存廢寺放眼一登臨老塢餘松竹寒鐘失古今
晚風吹客意殘照下江心莫便尋春去春愁苦更深

邯鄲懷古

不有魯連叟誰驅無道秦六王甘僕妾一語定君臣玉貌
平原客流風東海濱飄然長揖去高義足千春

舟次金陵

莫愁湖上暮潮生十里秦淮空復清龍虎江山收王氣園
陵楊柳入秋聲霜林暝色鴉千點蘆岸寒風雁一鳴名士
舊曾垂涕泪年年腸斷石頭城

徐曰明

曰明字東啟奉新人乾隆二十二年進士雙流知縣

獨歸

爲懷靜者趣獨赴曉樵歸十里松濤響千村草露稀青雲
隨我返白鷺背人飛何處移情甚空齋欲掩扉

過起鳳山房訪徐東川不遇

好是塵囂掃却空寺門深掩雨濛濛斜闌點筆人何處斷
澗尋秋路欲窮三逕鳥穿紅葉裏數聲犬吠碧流中新詩
特與畱齋壁看取青紗子細籠

劉芬

芬字初秋新建人乾隆二十二年進士

同夏菊仙暨從兄廷英方伯遊吳仙峰

昔日棲真地仙風縹緲聞天低青嶂接雲落石牀間竹密
能藏寺鐘寒不出山老僧調野鳥攜客聽綿蠻

滕王閣

珠簾高捲布帆斜帝子樓前繫釣槎暮雨無情銷蝶粉春

風有影過龍沙仙才縹緲驚時代劍氣沉埋感物華擬敞
一尊留客醉長天落盡隔江霞

戴第元

第元初名涵元號箕圃大庾人乾隆二十二年進
士官太僕寺卿

弔婁妃

忠良後裔茁瓊枝諫獵樊姬合是師天道未能亡上下妾
心早已辨雄雌魂飛章水情何極魄落鄱陽悔亦遲憑弔
有人彰烈節春風墓草酒頻醺

望西山

風波江上見西山山勢嶙峋夕照間五老不教雲出岫三

春曾見雁飛還囊縫魏帝真如戲肩拍洪崖亦是閒何用
秋屏高閣望芙蓉面面似梅關

閔鑑

鑑字治資南昌人乾隆二十二年進士官肇羅道
遊百花洲

鶯花孤負久憩息愛湖天有客坐亭上嘉禽鳴樹巔斷橋
流曲水孤島臥春烟欸乃歌聲起何人棹畫船

春日同龔采文彭長人登大觀樓

典午幽棲境依然枕碧流雲歸千古寺風送幾人舟樹色
春藏堦江聲夜滿樓一時題詠徧誰繼杜賢侯
江西詩徵卷七十九